

# Ün viadi fantastic

**Cha'l cuntschaint scriptur rumantsch Clo Duri Bezzola vaiva scrit e cumponü chanzuns per uffants nun es cuntschaint a biers. Als 18 marz cumpara ün cudesch da chant cun illustraziuns ed ün disc compact cul titel «Il lung viadi» chi cuntegna dudesch tocs dal poet e scriptur.**

Cuntschaint d'eira Clo Duri Bezzola (1945-2004) impustüt per seis raquints o tocs da teater. I'ls ons ottanta vaiva'l però eir scrit diversas chanzuns per uffants. Singulas d'eiran gnüdas publichadas in cudeschs da chant per la scoula. Ün o tschel s'algorda forsà amo vi d'ün toc text o melodia d'üna da quellas chanzuns. Cul ir dal temp sun bieras però eir idas in invlidanza. Seis figl, Martin Bezzola, tillas ha uossa salvadas.

## D'üna simpl'idea ad ün projet

«Per furtüna existivan registraziuns da quists tocs», disch Martin Bezzola e cuntinuescha: «Meis bap vaiva simplamaing miss ün recorder da cassetas süil clavazin e sunà e chantà sperapro.» Davo la mort da seis bap dal 2004 vaiva Martin Bezzola copchà quellas registraziuns sün ün disc compact e regalà a sia parantella sco regordanza. Rita Ho-Bezzola, la duonna da seis cusdrin, til vaiva subit cusglià da far landroura ün cudesch cun disc cumpact. «Uschè es nat quist projet our d'üna simpl'idea», disch Martin Bezzola. La realisaziun es lura praticamaing dvantada ün projet da famiglia. Roman Bezzola, il frar da Clo Duri Bezzola, ha coordinà tuot la lavur in connex culla finanziaziun e l'administraziun. Rita Ho-Bezzola ha pisserà per la partecipaziun da Pia Valär sco illustradra.

## Chattar ün agen access

I' decurs da l'on passà han els lura finalmaing pudü tour per mans la realisaziun. Martin Bezzola ha tanter oter eir amo pudü ingaschar la chantadura Ursina Giger. Natüralmaing ha il coronavirus eir influenzà lur lavur. In prüma lingia però positivmaing. Causa la pandemia vaiva minchün capacitat per as dedichar al projet. Special d'eira d'ürant la realisaziun però eir cha'ls par-



La chantadura Ursina Giger (a schnestra), l'iniziant dal projet Martin Bezzola e Pia Valär chi ha pisserà pellas illustraziuns.

fotografia: mad

tecipants nu s'han, causa la pandemia, vis gnanc'üna jada. Uschè ha il bassist registrà las chanzuns sulet pro sai a chasa e tramiss las datas in fuorma electronica. Tuot il projet d'eira per Martin Bezzola impustüt our d'ün motiv fich interessant: «Meis bap d'eira sco sün mia spadla ed am observaiva e daiva cussagl. Eu n'ha stuvü imprendere da'm bainshi laschar inspirar dad el, ma eir da chattar meis agen access a las chanzuns».

## Nouv vesti musical

Causa cha Clo Duri Bezzola vaiva scrit las chanzuns cul clavazin e sainja arandschamaints, d'eira per Martin Bezzola part dal concept da dar a min-

cha chanzun ün agen stil. Uschè as do-da süil disc cumpact ritems da l'America latina, musica da reaggae o da rock: «Eu am n'ha laschà influenzer dal text per chattar il stil da musica. La chanzun «Guarda quà» tratta per exaimpl d'ün blagunz chi craja da savair tuot meglder. Per quella s'affaiva üna melodia da punk. Pro «Dà ün cuc in teis cumün» d'eira lura adattà plütschönch alch plü pachifich sco üna melodia da folk.» Ündesch da las dudesch chanzuns derivan da la penna da Clo Duri Bezzola. In seis repertuar mancaiva però üna chanzun da buna not. A Martin Bezzola paraiva però important d'avair üna per cumplettar l'albun. Insembel cun Rut Plouda, chi ha scrit il text, es perquai nada la chanzun «La not es rivada».

La publicaziun cuntegna sper il disc compact eir ün cudesch da chant cun texts e notas da mincha chanzun. L'artista Pia Valär ha contribui las illustraziuns. Cun seis stil unic ha'la s-chaffi per mincha chanzun ün'aigna interpretaziun dal text. Chi chi guarda la cuverta dal cudesch e's sainta regordà vi da l'istorgia dal «pitschen prinzi» dad Antoine de Saint-Exupéry, ha radschun. In tuot il cudesch sun zoppats pitschens referimaints ad oters comics. Il pream dal cudesch ha scrit Dumenic Andry. (fmr/ane)

Hoz gövgia, ils 18 marz, cumpara il cudesch da chant cun disc compact «Il lung viadi» pro la Chasa editura Gammeter Media SA a San Murezzan. Cuntgnüdas sun chanzuns d'uffants da Clo Duri Bezzola ed illustraziuns da Pia Valär. Ulteriuras infurmaziuns as chatta suot [www.illungviadi.ch](http://www.illungviadi.ch).

## Giubileum 25 ons

### Lungia via cumünaiyla

ANGELA JANN



Angela Jann

Auncha la fin da l'ultim tschientner haun ils Rumauntschs ladins pudieu festager la naschentscha da la «Posta Ladina». Quist han pudainsa già gratuler pel 25avel giubileum. Daspö 23 ans pos eau accompagnar il svilpu da la part rumantscha da nossa giazetta engiadinaisa. Scu rimplazanta da la redactura d'heja cumanzo l'an 1998 a lavurer tar l'editura Gammeter Media a San Murezzan sainja grandas cugnuschentschas. Grazcha a l'agüd da Myrta Fasser e tuot ils redactors d'heja pudieu imprendere ch'üna giazetta vain fatta. Quella vouta gniva stampada la «Posta Ladina» auncha a San Murezzan e per cha'ls abbonents hegian la giazetta la bunura zieva in chartera s'ho stuvieu stamper fingià il zievamezdi. Eau m'algord auncha bain, cha Gion Gaudenz barmör gniva ils prüms temps intouren las ündesch illa redaziun a fer il lectorat. Pü tard gnivan ils texts tramiss cul Fax a Gion Tschärner e Gion Gaudenz. Eir cullas fotografias d'eira que bainquaint pü cumplicho cu hoz. Da quella vouta gnivan fattas las fotografias in mód analog e'ls films gnivan sviluppos a San Murezzan. Minchataunt vaivan ils corrispondents da l'Engiadina Bassa da rapportar sur d'evenimaints chi vaivan lö pür il di da la stampa. Scha's druvaiva üna fotografia da quel evenimaint stuvaiavan ils corrispondents purter il film al conductor dal tren a Scuol, chi'l pigliaiva cum se a San Murezzan. Ün collavuratur da la stamparia giava a la staziun a piglier il film e suvenz regnaiva üna granda tensiun our ils artichels e'ls tachaivan sün tevlas grandas. Quellas gnivan alura elavredas e preparadas dals cumposituors pella stampa.

Ün per ans pü tard, cur cha'ls duos lecturs s'haun retrats da lur ingaschamaint, d'he eau surpiglio il lectorat. Eir eau lavuraiva il prüim culla tecnica dal fax. Grazcha al grand progress da la digitalisaziun possi uossa lectorer ils texts directamaing online sülla pagina dal team da redactors da la «Posta Ladina».

Daspö l'an 2010 sun eau eir respunsabla pella chaistina «Imprendere meglder rumantsch» chi cumpara mincha sanda. In quists passa desch ans haun s-chars 1500 chaistinas fat plaschair a lecturas e lectuors e fat buns servezzans per tuot quels interessos chi vöglan imprendere rumantsch.

Eau sun cuntainta d'esser daspö tuot quists ans üna part dal team chi pussibiltescha la «Posta Ladina». Cul svilpu da la digitalisaziun ho que do grands müdamaints. La redaziun da la «Posta Ladina» es uossa da chesa a Scuol e tuot la lavur vain fatta in mód digital. In quists ultims 25 ans s'ho la «Posta Ladina» sviluppada in ün bun mód ed ho guadagnò bieras lecturas e lectuors. Tres que promovua ella eir il savair e l'incletta per nossa lingua rumantscha tar tuot quels chi legian la «Engadiner Post/Posta Ladina».

Eau gratulesch fich pel giubileum da 25 ans e speresch cha la «Posta Ladina» possa surviver eir auncha ils prossems 25 ans.



**SAMEDAN** SCOUA CUMÜNELA  
GEMEINDESCHULE

Pel principi da l'an scolastic 2021/22 tscherchaints

## Üna persuna d'instrucziun pel s-chelin primar d'immez (pensum 80-100 %)

Nus essans üna scoula bilingua (puter/tudas-ch) cun buna infrastruttura.

Ad El/Ella spetta ün ambiant da lavur interessant e vario in üna chesa da scoula survisibla, classas pitschnas, bunas e buns collegas adüna pronts da güder, üna direcziun da scoula chi do il sustegn necessari e'ls avantags d'ün secretariat da scoula.

El/Ella dispuona d'üna furmaziun conclusida cun cugnuschentschas dal rumantsch e dal tudas-ch.

El/Ella es interesse/interesse da da cooperer e s'impegner a favur dal svilpu da nossa scoula.

Per infurmaziuns pü precisas sto gurent a disposiziun nos co-mneder da scoula, sar Claudio Giovanoli, tel. 081 851 10 10 / 079 755 34 12 ubain [claudio.giovanoli@miascoula.ch](mailto:claudio.giovanoli@miascoula.ch).

Sia candidatura culs allegats üsitos es da drizzer infin als 23 marz 2021 a: Scoula cumünela, p.m.d. sar C. Giovanoli, Puoz 2, 7503 Samedan.

Nus ans allegrains da fer Sia cugnuschentscha.



Il cudesch da chant e' disc cumpact cul titel «Il lung viadi» as poja cumparar a partir da subit.

fotografia: Pia Valär